

0.0.1 saṅgaṇikārāma suttam

0. sāvatthinidānaṃ

1. so vata bhikkhave bhikkhū saṅgaṇikārāmo saṅgaṇikārato¹ saṅgaṇikārāmatam anuyutto, gaṇārāmo gaṇarato gaṇārāmatam anuyutto eko paviveke abhira-missatīti netam ṭhānam vijjati. eko paviveke anabhira-manto cittassa nimittam gaṇhissatīti² netam ṭhānam vijjati. cittassa nimittam agaṇhanto sammādiṭṭhiṃ pa-ripūressati'ti netam ṭhānam vijjati. sammādiṭṭhiṃ apa-ripūretvā sammāsamādhim paripūressatīti netam ṭhānam vijjati. sammāsamādhim aparipūretvā saññoja-nāni³ pajahissatīti netam ṭhānam vijjati. saññojanāni appahāya nibbānaṃ sacchikarissati'ti netam ṭhānam vijjati.

2. so vata bhikkhave bhikkhū na saṅgaṇikārāmo na saṅgaṇikārato na saṅgaṇikārāmatam anuyutto, na ga-ṇārāmo na gaṇarato na gaṇārāmatam anuyutto, eko paviveke abhiramissatīti. ṭhānametam vijjati. eko pa-viveke abhiramanto cittassa nimittam gaṇhissatīti ṭhānametam vijjati. cittassa nimittam gaṇhanto sammā-diṭṭhiṃ paripūressatīti ṭhānametam vijjati. sammā-diṭṭhiṃ paripūretvā sammāsamādhim paripūressatīti ṭhānametam vijjati. sammāsamādhim paripūretvā sañ-

¹saṇ gaṇikarato machasaṃ.

²gaḥessatīti machasaṃ.

³saṃyojanāni machasaṃ.

ñojanāni pajahissatīti ṭhānametaṃ vijjati. saññojanāni
pahāya nibbānaṃ sacchikarissatīti ṭhānametaṃ vijjatī'ti.